

--

**L'unioni Europea
sarà dimucratizata
o sparisciarà!**

▶▶ DiEM25

A dimucrazia in Europa
Muvimentu 2025

MANIFESTU DA DIMUCRATIZÀ L'EUROPA

À dispettu di i so pinseri da a cumpitività à u liveddu mundiali, i flussi migratori ed u tarruissimu, una pruspittiva sola intarrurisci propiu i Putenzi chì guvernani l'Europa: a dimucrazia ! Parlani à nomu di a dimucrazia, ma in fatti solu da nicalla megliu, scunghjuralla ed abulilla. Cèrcani di scègliasi trà d'eddi, di schisgià, currompa, mistificà, usurpà è cumbricculà a dimucrazia da imbarà u so slanciu è tènala impastughjata.

Chì i populi di l'Europa pigliani decisioni è chì u demos reghji, v'eccu u suniacciu cumunu di:

- A burocrazia brussellesa (10 000 lobbisti è più);
- U so corpu d'ispittori d'assaltu, è a troika ch'eddi custituiscini cun tecnocrati non eletti vinuti da altri stituzioni euuropei è internaziunali;
- U putenti Eurogruppù chì ùn emana da nisun drittu nè nisun trattatu;
- Bancheri salvati incù i solda pùblichì, ghjistori di fondi è uligarchii risurgivi, sempri sprizzendu a maghjuranza ed i so modi urganizati di sprimasi;
- I partiti pulitichi chì esàltani u liberalissimu, a dimucrazia, a libartà è a sulidarità cù u fini di megliu tradi i so principii fundii quand'eddi ghjünghjini à u puteri;
- I governa chì crèscini una sparità smisurata impunendu una pulitica d'austerità cuntraria à u scopu innarburatu;
- I capimedia chì criscendu i pauri n'ani fattu una forma d'arti è una fonti di puteri è di splottu;
- L'impresi maiò chì, di cumbriccula cun amministrazioni pùblichì sicreti, invèstini in i listessi pauri da prumova u sicretu ed ancu una cultura di a surviglianza di i citatini, ch'eddi s'aghjümpini.

L'Unioni Europea fù una rèscita iccizziunali: cuncolsi in paci pòpuli euuropei parlendu linguì sfarenti ed arradicati in culturì sfarenti. Hà datu a prova ch'edda era pussibuli ad istitui un quattru cumunu da i dritti umani in un cuntinenti chì fù, ùn hè tantu, u locu di u sciuvinissimu micidiali, di u razzissimu ed a barbaria. L'Unioni Europea era pussutu essa un fanali in u bughju da u mondu è muscià comu paci è sulidarità si poni togliu da i manseddi di u cunflittu è di u fanatissimu.

Oghji, purtroppu, una burucrazia cumuna ed una muneta cumuna dividini pòpuli euuropei chì s'avviàvani à l'unioni à dispettu di i so linguì è culturì sfarenti. Hè una cunfidarazioni di puliticanti bagliuli, di funzionarii niscentri in ecunomia è di « sperti » chì, di finanza, ùn capiscini un'acca, si sottumetti com'è servu à decreti imposti da cunglumirati finanziariii è industriali chì incausèghja u discrèditu di l'Europa pravuchendu una mossa priculosa cù u sintimu anrieuropeu chì volta. Si cerca à fà di pòpuli fieri numichi unu di l'altu.

Naziunalissimu, strimissimu è razzissimu tòrrani à pisà u capu.

Una bucia grossa hè intanata in senu à a burocrazia di a nostra Unioni Europea: eppuri accerta chì i so prucessi verticali è scuri, sò apulitichi tècnichi, prucidurali è nèutri. U so scopu hè ch'eddi ùn pòssini asarcità un cuntrollu dimucratìcu di a so muneta, i so finanzia, i cundizioni di travagliu è l'ambienti.

U prezzu d'iss' ingannu ùn hè solu a fini di a dimucrazia bensì corci pulitichi ecunòmichi:

- Una daretu à l'altra, l'ecunumii di a zona euro sò lampati in l'abissu di a l'austerità cuncurrinziali. Ni seguita una ricissioni pirmanenti ind'è i paesi più débuli ed investimenti scarsi ind'è i paesi più dinàmichi,
- À listessu tempu, Stati membri di l'Unione Europea ma fora di a zona euro sò esasperati. Cèrcani cumpagni ed estru in latitudini suspittosi dundi ùn scuntrarani, ci hè à creda, accordi di libaru scambiu oscuri è cuircitivi chì nuciarani à a so suveranità.
- Una disugualità chì mai s'era vista, spiranza à mez'asta, ma a misantrupia stà d'incantu.

St'«Europa» inefficaci, autoritaria, illegittima ed antidemocratica si spizzuleghja.

Tocca à l'Europei à sceglia trà dui ozzioni altrettantu spavintèvuli:

aghjampassi à l'ascosu ind'i so Stati-nazioni, o ceda sottumittèndusi à a zona senza democrazia sottu à a stirpaccia brussellesa. Ma in ambi casi – vultà à u Statu nazioni o aderì in tuttu à l'Unione europea esistenti – i cunsiquenzi sò spavintosi da l'Europa, da l'Europei è da i pro-Europei.

Ci voli un'antra andatura, ed un'antra ci hè.

Riguardu à quidda, l'« Europa » ufficiali ricusa d'astradassi, cù tutta quanta a putenza di a so mintalità è di i pràtichi autoritarii.

Abbisugnemu un impettu di democrazia tamanta !

U nosciu movimentu, **DiEM25**, intendi di suscità iss' impettu.

DiEM25 s'arremba à un'idea simplicità è radicali:

Democratizemu l'Europa ! Chì l'Unione Europea sarà democratizzata o sparirà !

U nosciu segnu, democratizà l'Europa, hè rialistu. Ùn hè micca più utòpicu quistu cà quiddu di costruilla tandu. Pà dilla sicura, hè menu utòpicu cà pruvà à tena viva l'Unione Europea d'oghji antidemocratica è in cor di smimbramentu cum'edda hè.

U nosciu segnu, democratizà l'Europa, devi essa riisciutu senz'altru, osinnò s'arrisica chì ùn si pudarà più riimpastà à tempu a resistenza di l'istituzioni europea prima chì sia trapassatu u puntu di non riturnu. **Li demu deci anni. Sin'à 2025.**

Si tandu ùn avemu micca partita vinta, si l'ani fatta i puteri autocràtichi di l'Europa chì a democratizzazioni sia sturzata, allora l'Unione Europea si sfraiarà cù u so propriu urgogliu, si svrimbarà è a so caduta caghjunarà incalculèvuli vai in u mondu sanu, è micca solu in Europa.

PARCHÌ L'EUROPA HÈ IN TRACCIA DI PERDA A SO INTEGRITÀ È A SO ÀNIMA ?

In i decenni di dopu-verra ch'è si costruì l'Unione Europea, i culturi nazionali funi rivittuliti in un spiritu d'internazionalisimu, d'abolizioni di i fruntieri, di prusparità spartuta è di a crèscita di u liveddu di vita, altri è tanti fattori ch'è avvicinetini l'Europei. **Ma a faccenda era varmicosa è u prucessu d'integrazioni era destinatu à spapparassi.**

Nant'à u pianu ecunòmicu, l'Unione Europea principiò com'un carteddu di l'industria pesanti (prima di inchjudà lucali agriculi par cootazioni) cun a vuluntà dicisa di fissà i prezzi è risparta i rënditi oligòpuli via a so burucrazia brussellesa. Issu carteddu emergenti è a so amministrazioni posta in Bruxelles temia u « Demos » è disprezzava un fusti ch'è l'idea di un governu da u pòpulu.

Di modu patimu è mitòdicu, almanacconi un prucessu di dipulitizzazioni quandu si trattò di piglià decisioni. Ni risultò una pendenza assiccanti ma senza sosta à spuglià a dimucrazia di u so « Demos » è à rivesta tutti i decisioni di a màscara d'un fatalisimu pseudotecnocraticu. Funi profusamenti primati. Tucconi taglioni generosi i pulitici nazionali par avè accunsintutu à scaccià a Cummissioni, u Cunsigliu, u Cunsigliu Ecofin, l'Eurogruppu è a Banca Centrali Europea (BCE) à a larga da ogni discussioni pulitichi. **Qualunqua volsi oppònassi à 'ssu prucessu di dipulitizzazioni era fighjulatu par antieuropeu è trattatu comu tigna.**

Nasci cusì l'ingannu à mez'à l'Unione Europea ch'è pruduci un accunsentu stituzionali incù pulitichi ch'è sò càusi di una situazione ecunòmica sfraiata è di fastidii ch'è erani pussuti essa cansati. **In u mentri principii simplici, ch'è un'Europa più sicura d'edda stessa nanzu capia, sò stati cappiati avali:**

- Tocca à i règuli ad essa à u sarviziu di l'Europei è micca u contrariu.
- Muneti duvaristini essa mezi, micca fini d'eddi stessi.
- Par essa cumpatibili cù a dimucrazia, un marcatu unicu bisogna ch'eddu avissi meccannisimi cumuni, scelti è costruìti di manera dimucràtica da parà l'ambienti è pruteghja l'Europei più debuli.
- A dimucrazia un pò essa un lussu uffertu à i criditori ma pruibiti à i dibitori.
- A dimucrazia hè di primura da limità i peghju prupinsioni di u capitalisimu è apra una finestra nantu à novi urizonti d'armonia suciali è di sviluppu duratoriu.

Da risponderà à l'incapacità di l'economia sociali cartellizzata europea d'avè un rialzu dopu à a Grandi Recessioni dopu à 2008, l'istituzioni di l'UE rispunsèvuli di stu fiascu si sò lanciati in un sviamentu d'autoritarisimu. Più affòcani a dimucrazia, menu a so autorità pulitica hè lighjittima, più a recissioni economica hè maiò, è più abbisognani sempri autoritarisimu. Cusi i numichi di a dimucrazia ammansendu puteri novi pèrdini à tempu a so lighjittimità è limitèghjani spiranza è prusparità à uni pochi (chi ni poni solu goda piatti daret'à i muraglioni chì i fràncani da u restu di a sucità).

Attraversu à stu pruceddu piattu a crisa in Europa faci chì i nosci pòpuli s'inchjèrchjani è si rivòltani unu cù l'altu, crescendu u sciuvinìsimu è a sinufubìa priesistenti. A privatizzazioni di l'angoscia, a paura di « l'altu », a naziunalizzazioni di l'ambizioni è a rinaziunalizzazioni di a pulitica minàcciani di spizzulà l'intaressi cumuni, ciò chì ùn pò chè dannighjà u nosciu cuntinenti. I riazioni vargugnosi di l'Unione Europea à i crisi di i banche è di u dèbitu, à a crisa di i rifughjati, à u bisognu d'una pulitica estera, migratoria è antitarrurista cuarenti, tutti quessi sò altri è tanti asempii di ciò chì succedi quand'edda perdi u so sensu a parola « solidarietà ».

- A ferita fatta à l'integrità europea quand'eddu hè statu sfraciatu u branu d'Ateni, eppoi impostu à a Grecia un prugramma di « riformi » ecunòmichi chì da u principiu a sola sbuccata era u fiascu.
- Parta da u principiu chì, sùbitu ch'eddu ci voli à sustena u bugettu di unu Statu o salvà una banca, tocca à i citatini europei più dèbuli à pagà par i piccati di i pussidenti più carichi à solda.
- A pendenza cuntiniva à riducia u travagliu à una mercia è à scaccià a dimucrazia di u locu di travagliu.
- A vargugnosa risposta « in altrò iè ma micca ind'è noi » di a forza parti di i Stati membri di l'UE à i rifughjati chì sbàrcani nant'à i costi europei, chì palesa comu una guvernanza Europea spizzata porta ver' di u tramontu murali ed à l'aggrancu puliticu, è prova chì a sinufubìa contr'à i non Europei veni appressu à a morti di a solidarietà trà l'Europei.
- L'effettu ridiculu chè no pruducimu quand'eddu s'appicia i trè paroli « pulitica », « estera » è « Europa ».
- L'intranza di a riazioni di i governa Europei quand'eddi dicidini dopu à u spavintosu attintatu in Parighji chì a suluzioni cunsistia in a riintroduzzioni di i fruntieri, invece a maiò parti di i tarruristi impignati èrani citatini di l'Unione Europea – v'èccu un antru segnu di u pànicu murali chì inghjotti quidda Unione Europea incapaci à uni l'Europei da prudicia risposti cumuni à prublema cumuni.

CHÌ FÀ ? U NOSCIU ORIZONTI

Da avè un'Unione europea pròspera è funziunali, una cundizioni prescelta hè a dimucrazia in l'Europa sana. Stimemu chì u tempu chì ferma à l'Unione hè pocu, ch'eddu viaghja in furia. Devi mutà. Cambià dirizzioni sùbitu da crià un'Unione dimucràtica in 2025 à u più tardi. A burocrazia di l'Unione europea, mossa oghji da un disprezzu trimenti di a dimucrazia, voli assolutamente dimucratizazzi. Osinnò hà da schiattà.

U prammatisimu imponi chì travèglimi dènduci tappi sicondu un calindariu rialistu.

Cusi, **DiEM25** hà da prughjettà di sbuccà cù quattru aparturi maestri ad intervalli regulari da ch'edda assistissi à cap'à 2025 un'Europa dimucràtica è funziunali in tuttu.

Oghji chì hè oghji, ogni locu, l'Europei si sèntani tralasciati da l'istituzioni di l'UE. Da Helsinki à Lisbona, da Dublinu à a Creta, da Lipsia sin'à Aberdeen, l'Europei ani l'invinimentu chì una scelta di primura s'avvicina à la lestra. **A scelta trà una dimucrazia spùtica è una sbrisgiulatura à faccia piatta.** Ci voli chè no dididimi di unisciaci, chì edda fessi a scelta chì v'è par edda l'Europa: una dimucrazia virtadela !

Si ci si dumanda ciò chè no vulemu è quand'è no a vulemu, rispondimu:

SÙBITU: trasparenza sana quandu si tratta di piglià decisioni.

- I riunioni di u Cunsigliu di l'UE, di u Cunsigliu Ecofin è di l'Eurogruppulu avarani da essa diffusi in streaming.
- I minuti di u Cunsigliu dirittivu di a Banca Cintrali Europeu sarani stampati pochi settimane dopu à i riunioni.
- Ogni documentu appressu à niguziazioni cruciali (Trattatu Transatlànticu nantu à u Cummerciu è l'investimenti, salvamentu di una banca cù i solda pùblichu, statutu di a Gran Britagna, par un dettu) cun cunsiquenzi par l'avvenna di i citatini europeu si devini pudè essa caricati nantu à u web.
- Iscrizioni ubligata di i lobbisti cun a so pràtica è tutti i casati, ciò ch'eddi tòccani in contraccambiu, è un resucontu di l'incontri cun i funziunarii europeu (eletti o micca).

DRENTU DÒDICI MESA: affruntà a crisa ecunòmica d'avali arrimbèndusi à l'istituzioni esistenti è in u quattru di i Trattati europeu attuali

A crisa chè no cunniscimu si sparghji in cinqui campi à tempu:

- u dèbitu pùblichu
- u sittori bancariu
- l'investimentu micca bastèvuli
- i flussi migratori
- a puvirtà crisciuta

Avali sti cinque campi sò tutti lasciati in balia di i governa nazionali, chì ùn dispòninu micca di i mezi da cambiali.

DiEM25 prapostarà pruposti beddi spacificati da europeanizalli tutti, riducendu i puteri discrizionali di Bruxelles è rindendu u puteri à i Parlamenti nazionali, i Cunsigli righjunali, i mirrii è i cumunità. I misuri pruposti ambizunèghjani un rispighamentu di l'istituzioni esistenti (par via di una ri-intarpritazioni di i trattati è statuti esistenti) da stabilizà i crisi di u dèbitu pùblicu, u sittori bancariu, l'investimentu micca bastèvuli è a puvirtà crisciuta.

INTALI À DUI ANNI: un'Assemblea Custituanti.

Tutti i pòpuli europeu sò lèciti à rifletta à l'avvena di l'Unione: è l'Europa ani u duveru di turralla dimucrazia matura (prima di 2025) cun un Parlamentu supranu, rispittosu di l'autoditarminazioni nazionali ch'eddu sparti u puteri incù i Parlamenti nazionali, i Cunsigli righjunali, i mirrii è i cumunità.

Par rièsciala, ci voli ch'edda sia chjamata un'Assemblea di i so riprisintanti. DiEM25 hà da prumova un'Assemblea Custituanti cumposta di riprisintanti eletti nantu à listi transnazionali. Oghji, quandu un'università cheri fondi di sustegnu da a so ricerca pressu Bruxelles si devi assucià cun altri stabilimenti à l'esteru. In listessu modu l'alizzioni à l'Assemblea Custituanti avaria da impona listi cun candidati isciuti da a forza parti di paesi europeu.

L'Assemblea Custituanti eletta cusì avarà i pieni puteri da dicida di stabiliscia una futura custituzioni dimucràtica chjamata à sustituisi à tutti i trattati esistenti prima di un decenniu.

SINU À 2025: prumulgazioni di i decisioni pigliati da l'Assemblea Custituanti.

QUALI U FARÀ STU CAMBIAMENTU?

Ci tocca à noi altri, pòpuli europeu, à ripiglià u cuntrollu di a noscia Europa lasciata in balia à puliticanti còmplici, istituzioni senza trasparenza è tecnòcrati, non eletti, chì contu à renda ùn n'ani micca.

Scindimu da u cuntinenti sanu è semu uniti da i nosci diffarenzi di culturi, di lingui, d'accenti, d'appartinenza pulitica, di culori di peddi, d'identità sissuali, di cridenzi rilighjosi è di ciò chè no fighjulemu par sucità bona.

Criemu à **DiEM25** beddi dicisi à passà di un'Europa di « Noi altri i governa » è « Noi altri i tecnòcrati » à un'Europa di « Noi altri pòpuli europeu ».

I nosci quattru principii:

- Nisun populu europeu pò essa libaru finch'edda hè violata a dimucrazia d'un antru.
- Nisun populu europeu pò campà in a dignità finch'eddu ni hè privu un antru.
- Nisun populu europeu pò spirà a prusparità s'eddu hè lampatu un antru in insolvabilità è dipressioni pirmanenti.
- Nisun populu europeu pò sviluppassi senza a robba à a mani da i so citatini più dèbuli, sviluppu umanu, bilanciu icològicu paru, ed a ditarminazioni à passassi di l'energii fussili in un mondu chì cambia a so manera di fà, micca u clima di a noscia pianeta.

Ci scrivimu ind'una tradizione magnifica d'Europei ch'è battuti longu i sèculi contr'à a pratesa saviezza ch'è a democrazia saria un lussu, è i debuli cundannati à pata ciò ch'èddi t'ani à pata.

Fidati à st'accusanti incù i nosci cori, menti è vulintà, dicisi à ghjirà pagina, dichjaremu ciò ch'è suvita:

U NOSCIU IMPEGNU

Chjamemu i nosci cuncitatini europei à riunissi cù noscu senz'altru da stabiliscia u movimentu europeu DiEM25.

- Da cumbatta tremindui accantu contr'à l'« establishment » Europeu in postu sprizzendu a democrazia, è da democratizà l'Unione Europea
- Da falla finita cù a riduzioni di qualsiasi rilazioni pulitichi à rapporti di forza ch'è i vòlini fà passà par decisioni solu tècnichi
- Da sottumetta a buruczia di l'Unione Europea à a vulintà di i pòpuli europei sovrani
- Da smantiddà u duminu di l'impresi maiò nantu à a vulintà di i citatini
- Da ri-pulitizà i règuli righjendu u nosciu marcatu unicu è a noscia muneta cumuna.

Stimemu ch'è u mudellu di l'allianzi lebbi è froli cum'èddi sò quiddi trà partiti nazionali ind'u Parlamentu Europeu, sò divintati robba propriu trapassata. Ancu par essa una lotta ch'è bisogna dà (da fondu in cima, à liveddu lucali, righjunali o nazionali), ùn basta s'èdda hè data senza una strategia internazionalista cù u scopu di custituiscia una coalizioni pan-europea da democratizà l'Europa.

Da prima, i democrati europei si dèvinu cuncoglia, elaborà un programma cumunu, è dopu truvà i mezi da adattallu à bedda megliu à u liveddu lucali, righjunali è nazionali.

U nosciu scopu superiori, ch'è d'èddu tutti l'altri scopi scèndini, hè a democratizzazioni di l'Unione Europea. Hè ligatu incù l'ambizioni di prumova l'autu-ghjistioni (economica, pulitica è siciali) à u liveddu lucali, municipali, righjunali è nazionali: l'ambizioni di spalancà i porti di u sarragliu di i putenti è fà ch'è u pò veda tuttu ognunu: d'affidassi à cumunu à movimenti siciali è civichi: è di caccia a manupresa di a buruczia è di l'impresi maiò à tutti i liveddi di i governa.

Truvemu l'estru vultenduci ver' di un'Europa di Pinsamentu, di a Libartà, di a Tullarenza è l'Imaghjinazioni, ch'è l'ani resa pussibili una Trasparenza sana, solidarità in veru, è una democrazia virtadela.

Pugnemu di campà in:

- Un'Europa democratica induva qualunqua autorità politica nasci da i pòpuli europei suprani
- Un'Europa trasparente induva ogni decisioni hè presa sottu à u sguardu attenti di i citadini
- Un'Europa unita chì i so citadini ani in cumunu trà i paesi quant'è drentu à quiddi
- Un'Europa rialista chì si fissa l'impegnu di riformi radicali ma democratici è facitoghji
- Un'Europa decentralizzata chì s'adopra di u puteri centrali da massimizà a democrazia in u locu di travagliu, città, rughjona è Stati.
- Un'Europa pluralista di i rughjona, orighjina ètnica, cridenzi rilighjosi, nazioni, linguè è culturì
- Un'Europa ugualitaria chì cilibregghja a differenza è a faci finita cù a discriminazioni riguardu à u gèneru, u culori di peddi, a classa suciali o l'identità sissuali
- Un'Europa colta chì faci sfruttà a diversità culturali di a so pupulazioni è prumovi a so l'ascita tamanta, ma dinò u stantu di l'artisti, musicanti, scrittori è pueta europei in dissidenza
- Un'Europa suciali, cuscenti chì a libertà dumanda non solu d'essa francu da inframmittenza d'ogni modu ma ancu di pusseda a robba à a mani chì rendi l'omu sfrancatu di u bisognu è di u splottu
- Un'Europa fruttifera chì reghji l'investimentu circhendu d'ottene una prusparità icologica è spartuta
- Un'Europa di u sviluppu duratoriu tenendu sempre à menti chì i mezi di a noscia pianeta ùn sò micca infiniti, riducendu u so impattu nantu à l'ambienti è lascendu l'energia fossili sottuterra quantu eddu si pò lascialla
- Un'Europa icologica impignata in u mondu sanu in una transizioni verdi virtadela
- Un'Europa criativa lascendu ampia libertà à u puteri innuvativu di l'imaghjinationi di i so citadini
- Un'Europa tecnologica chì metti i novi tecnulugii à u sarviziu di a solidarietà
- Un'Europa chì a so storia ùn si scorda micca, circhendu un beddu avvena ma ricusendu di vultà i spaddi à u so passatu
- Un'Europa internazionalista chì cunsidareghja i non Europei da fini in sè
- Un'Europa pacifica chì attendi à allinà i tinsioni in u Livanti è in u Mediterraniu, è s'erighji da rampali contr'à i sireni di u militarismu è di l'ispansiunismu
- Un'Europa aparta, sinsibili à l'idei, pòpuli è estri vinuti di u mondu sanu, chì vedi in càtari è fruntieri segni di dibulezza chì sparghjini l'insicurezza in nomu di a sicurezza
- Un'Europa liberata induva privileghju, prighjudiziu, miseria è minaccia di a violenza s'amurtuliscini. Cusi l'Europei pudarani sciogliasi di fà menu parti steriotipi da ch'eddi sò nati, gudarani listessi oppurtunità da rializà i so putinziali è sarani più in capacità di sceglia i so partinari in a so vita, locu di travagliu è sucità.

Carpe DiEM25

www.diem25.org